



**REPUBLIKA E SHQIPËRISË
AVOKATI I POPULLIT**



Adresa: Bulevardi: "Zhan D'Ark" Nr.2
Tiranë, Shqipëri

Tel/Fax: +355 4 2380 300/315
E-mail: ap@avokatipopullit.gov.al
www.avokatipopullit.gov.al

Nr.

04

Prot.

Tiranë 12/01/2017

Lënda :

Për procedurën e paraqitjes së listës me emrat e anëtarit dhe anëtarit zëvendësues të Komisionit të Pavarur "Ad hoc", për verifikimin paraprak të kushteve ligjore dhe kriterëve profesionale dhe morale, si dhe renditjen e kandidatëve për anëtarë të Këshillit të Lartë të Gjyqësor dhe anëtarë të Këshillit të Lartë të Prokurorisë.

**Drejtuar : Kryetarit të Akademisë së Shkencave të Shqipërisë
Z. Muzafer KORKUTI**

Tiranë

I nderuar z. Korkuti,

Një nga momentet kryesore të zbatimit të reformës në drejtësi, lidhet me zbatimin e dispozitave të Ligjit nr.115/2016 datë 3.11.2016 "Për organet e qeverisjes së sistemit të drejtësisë", i cili ka për objekt dhe qëllim ndër të tjera, organizimin dhe funksionimin e Këshillit të Lartë Gjyqësor, si dhe të Këshillit të Lartë të Prokurorisë.

Në këtë kontekst, ligji ka parashikuar procedurën e zgjedhjes së anëtarëve jogjyqtarë të këtyre dy organeve të rëndësishme të qeverisjes së sistemit të drejtësisë, duke përcaktuar kompetenca konkrete që duhet të ushtrohen gjatë këtij procesi nga ana e Avokatit të Popullit, si dhe nga ana e Akademisë së Shkencave të Shqipërisë.

Më lejoni të sjell në vëmendjen tuaj kompetencën dhe detyrimin ligjor të parashikuar për Akademinë e Shkencave të Shqipërisë, sa i takon paraqitjes së listës me emrat e anëtarit dhe anëtarit zëvendësues të Komisionit të Pavarur "Ad hoc", për verifikimin paraprak të kushteve ligjore dhe kriterëve profesionale dhe morale, si dhe renditjen e kandidatëve për, anëtarë të Këshillit të Lartë të Gjyqësor (pika 3 e nenit 25), dhe anëtarë të Këshillit të Lartë të Prokurorisë (pika 3 e nenit 123).

Është e nevojshme ndërkohë që të mbahen parasysht në ezaurimin e kësaj pjese të procesit, nga ana e Akademisë së Shkencave të Shqipërisë, afatet respektive për paraqitjen e listës me emrat e anëtarit dhe anëtarit zëvendësues të Komisionit të Pavarur "Ad hoc", për verifikimin paraprak të

kushteve ligjore dhe kriterëve profesionale dhe morale, si dhe renditjen e kandidatëve për, anëtarë të Këshillit të Lartë të Gjyqësor (pika 4 e nenit 25), dhe anëtarë të Këshillit të Lartë të Prokurorisë (pika 4 e nenit 123).

Për një koordinim sa më të mirë dhe ecuri normale të punës, nëpërmjet kësaj shkrese ju shprehim konsideratën dhe besimin për bashkëpunimin e frytshëm, për zhvillimin sa më korrekt të këtij procesi.

SEKRETARI I PËRGJITHSHËM

Fatbardh ZENELAJ

